



## Publicaziuns dalla vischnaunca, jamna 20

### Damonda da baghegiar

#### Nr. 2011-1032

**Datum da publicaziun:** 20 da matg 2011

**Il patrun:** Leo Venzin-Wilhelm, Via Davos-Mustér 8, 7180 Disentis/Mustér

**Il representant:** Berther Bauunternehmung AG, Via Sogn Placi 2, 7180 Disentis/Mustér

**Object:** Sanaziun interna dalla casa e construcziun (engrondaziun) d'ina terrassa, parcella 858, Via Davos-Mustér 8, 7180 Disentis/Mustér

#### Nr. 2011-1036

**Datum da publicaziun:** 20 da matg 2011

**La patruna:** Assunta Albin-Flepp, Via Veglia 11, 7180 Disentis/Mustér

**Il representant:** Giovanni Sabbadini-Giger, Via Sogn Gions 15, 7180 Disentis/Mustér

**Object:** Construcziun d'in parcadi niev, parcella 799, Via Raveras, 7180 Disentis/Mustér

#### Nr. 2011-1037

**Datum da publicaziun:** 20 da matg 2011

**Il patrun:** Edgar Durschei-Keller, Via Ansauna 2, 7186 Segnas

**Il representant:** Edgar Durschei-Keller, Via Ansauna 2, 7186 Segnas

**Object:** Provediment d'aua pils mises dil Bostg, parcella 2308, Mises dil Bostg, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta scretta dil recurrent ni da siu representant.

Disentis/Mustér, ils 16-5-2011

*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

#### Nr. 2011-1028

Claustra da Mustér, Via Claustra 3, 7180 Disentis/Mustér; sanaziun dalla casa, parcella 903, Via Sursilvana 12, 7180 Disentis/Mustér.

#### Nr. 2011-1029

Renaldo e Sonja Lutz, Via Luzzas 9, 7180 Disentis/Mustér; construcziun d'in suttetg (prolungaziun dil tetg garascha), niev tgamin, parcella 1322, Via Luzzas 9, 7180 Disentis/Mustér.

#### Nr. 2011-1030

Guido Huonder-Wunderl, Via Run 6, 7180 Disentis/Mustér; parcadi, bargia da lenna nova e suttetg per velos, parcella 579, Via Run 6, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 17-5-2011

*Uffeci da baghegiar Disentis/Mustér*

---



### **Invit al di dallas portas aviartas**

Igl onn vargau ein la casa communal sco era igl edificci dalla Banca Raiffeisen Cadi a Mustér vegni sanai. Cun quei ch'ils baghetgs sesanflan in sper l'auter, ein ins sedecidi d'organisar communablamein in di dallas portas aviartas.

Per dar la pusseivladad da prender investa dallas adattaziuns fatgas vegnan las portas aviartas

***sonda, ils 21 da matg 2011 naven dallas 11.00 tochen ca. allas 14.30.***

Als presents vegn offeriu tratgas giu dil gril e bubrondas.

Plinavon vegn organisau ina concorrenza cun bials premis. Nus fagein a tuts interessai in cordial beinvegni e selegrein da Vossa viseta.

*Vischnaunca Disentis/Mustér  
Banca Raiffeisen Cadi*

---

### **Referendum facultativ spirau**

Ils 14 d'avrel 2011 ha il cussegl da vischnaunca approbau il rapport da gestiun ed il quen 2010.

Encunter quella decisiun ei enteifer il termin fixau buca vegniu fatg diever dil referendum facultativ, aschia ch'il rapport da gestiun ed il quen 2010 ein approbai definitivamein.

*Suprastonza communal*

---

### **Zona da baghegiar per indigens Sera d'informaziun**

En connex cun la revisiun dalla planisaziun locala ha la vischnaunca enzonau a Caschuarz terren da baghegiar cugl intent da saver metter a disposiziun terren da baghegiar favoreivel. Avon che cuntinuar cun las lavurs da planisaziun ha la suprastonza communal incaricau in biro d'architectura d'elaborar in studi da variantas. Ils resultats dil studi ein avon maun ed ei va per orientar interessents davart las retschercas per silsuenter saver cuntinuar cun las lavurs da planisaziun ed evtl. da projectaziun.

Per quei intent envidein nus Vus ad ina sera d'orientaziun che ha liug:

***gliendisdis, ils 23 da matg 2011 allas 20.00 en casa communal a Mustér.***

Aschinavon che Vus essas interessai da prender part allas sera d'informaziun supplichein nus da comunicar quei all'administraziun communal (tel. 081 920 36 36 ni per e-mail: admin@disentis.ch). Bugen quintein nus cun Vossa preschientscha.

Disentis/Mustér, ils 10-5-2011  
*Suprastonza communal Disentis/Mustér*

---

### **Vischinadi Segnas Invit alla radunonza extraordinaria**

Dumengia, ils 5 da zercladur 2011 allas 20.15 en casa da scola, Segnas.

Tractandas:

1. Beinvegni
2. Elecziun d'in dumbravuschs



3. Prelecziun ed approvaziun dil protocol
4. Orientaziun president
5. Status novs; presentaziun ed approvaziun
6. Recepir il vischinadi Mompé Tujetsch; discussiun e votaziun
7. Deliberaziun da damondas e propostas
8. Varia

Cordialmein envida  
*la suprastonza dil vischinadi Segnas*

---

### **Vischinadi Mompé-Medel Radunonza extraordinaria**

Venderdis, ils 20 da matg 2011 suenter radunonza dalla corporaziun da manteniment da vias el kiosk dall'Uniun da scursalar Mompé-Medel.

Cordialmein envida  
*la suprastonza*

---

### **Apparats d'udida**

Gliendisdis, ils 30 da matg 2011 denter las 14.00 e las 16.00 saveis Vus schar schubergiar e regular Vies apparat d'udida en Casa da tgira Sursassiala. L'uniun Pro Audito Chur cun Arthur Jacomet, fa quei survetsch per tuts interessents gratuitamein.

Liug: Casa da tgira Sursassiala, stiva da schiember.

Cordiala invitaziun  
*Casa da tgira Sursassiala*

---

### **Radunonza generala Dils possessurs da dretgs e pursanavels dallas alps Russein-Cavrein, Mustér**

Venderdis, ils 27 da matg 2011 allas 20.15 el hotel Alpsu a Mustér.

---

### **Uniun samaritana Mustér Cuors BLS-AED**

L'Uniun samaritana Mustér porscha il niev cuors da reanimaziun BLS-AED. (Reanimaziun cun applicaziun dil defibrilatur automatic.)

**Datum:** 28 da matg 2011

**Temps:** 8.30–11.30 / 13.30–16.30

**Liug:** Casa da scola Mustér

**Annunzias:** Ein da far entochen ils 21 da matg 2011

**tier:** Yvonne Flepp, tel. 081 947 50 35

**e-mail:** yvonne.flepp@kns.ch

*Uniun samaritana Mustér*

---



**Uniun da tscheiver Mustér**  
***Surdada dalla sera da tscheiver 2012***

L'Uniun da tscheiver Mustér surdat l'organisaziun dalla sera da recreaziun da tscheiver da sonda, ils 18 da fevrer 2012 ad ina ni a pliras uniuns da Mustér e contuorn. La sera da recreaziun ei sco usitau el Center da sport e cultura.

Sch'ei dat pliras annunzias decida l'Uniun da tscheiver a tgi che la sera vegn surdada. Tgi che vul luvrar ensemen cun in'atra uniun duei menziunar quei ell'annunzia.

Annunzias san ins tarmetter tochen ils 30 da zercladur a Gion Hosang, Via Carcarola 11, 7180 Disentis/Mustér, ni per e-mail: gion.hosang@tscheiver.ch.

---

**Uniun fallun e cascharia Disla/Mustér**  
**Di svizzer dils mulins**

Sonda, ils 4 da zercladur 2011 dallas 10.00–19.00

- Il fallun vegn mess en funcziun
- Prender investa dil mulin vegl, stiva da filar, dalla cascharia sco era dalla resgia
- Ustria sil plaz

Ha enzatgi utensils vegls che vegnevan duvrai en connex cun luvrar si glin ni en cascharia? Tel. 081 947 48 78.

Bien engraziament e sin seveser  
*la suprastonza*

---

**Uniun da dunnas**

Devoziun Mariana: Gievgia, ils 2-6-2011 allas 19.00 en caplutta dalla casa s. Gions.

Sin ina biala devoziun cun Vus ensemen selegra  
*la suprastonza*

---

**Uniun da dunnas Mustér**  
***Preavis – viadi uniun da dunnas***

Mardis, ils 6-9-2011 mein nus sin viadi. Nies viadi meina nus quella gada el Tessin. Nus mein sil Monte Tamaro e visitein la renomada «Capella Santa Maria degli Angeli» digl architect Mario Botta. Suentar gentar mein nus encunter Locarno e visitein leu la «falconeria» ed ina «show» cun tschéss ed auters utschals.

Reservei gia oz quei datum!

Nus selegrein sin Vossa participaziun  
*la suprastonza*

---

**Societad sempla Alp Run Mustér**  
***Preavis radunonza generala***

Sonda, ils 11 da zercladur 2011 allas 20.15 el hotel Cucagna, Mustér.



### Schafwollannahme Frühling 2011

Siehe unter Surselva.

---

### Beach-Sport Plaun Petschen, Cumpadials

Mira sut Sumvitg.

---

### Allan Guggenbühl, der bekannte Jugendexperte, im Disentiser Klosterforum

Siehe unter Surselva.

---

### Ludoteca Mustér

Liug/Ort: Halla Cons, tel. 076 494 39 92  
e-mail: ludoteca@disentis.ch

*Uras d'avertura / Öffnungszeiten:*  
Gliendisdis/Montag: 18.30–20.00  
Gievgia/Donnerstag: 16.00–17.30  
Venderdis/Freitag: 18.30–20.00

### ***Sonda, ils 28 da matg 2011 ei il di da giug naziunal.***

Naven dallas 11.00–16.00 envida la Ludoteca Mustér al di da giug naziunal. Nus presentein e giughein quei di giugs da famiglia ed il giug Dog. Per la pausa ni per il gentar dat ei ligiongias dil gril.

Visitei quei di la ludoteca, nus selegrein da Vossa viseta.  
*La squadra dalla ludoteca*

---

### Biblioteca populara Mustér

**Liug:** Casa da scola, tel. 081 947 52 90, [biblioteca@disentis.ch](mailto:biblioteca@disentis.ch)

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

*La biblioteca ei aviarta:*

*Gliendisdis 18.30–20.00*  
*Mardis 13.30–15.00*  
*Gievgia 16.00–17.30*  
*Venderdis 18.30–20.00*

Nies motto: Leger . . . tedlar . . . mirar . . . !

Nus selegrein da mintga viseta.  
*Biblioteca populara Mustér*

---